

*2^r

Dem eerwürdigen hochgebornen herren/ herren
 Boppo/ Graff vnd herren zû Hennen^z
 berg/ Dechant der hohē Stifft zû Straffz
 burg. 7c. entbeüt Heinrich von Eppen
 dorff feine gehorfame dyentf.

Es feind bey den Altē/ hochgeborner/ genädiger Herr/
 eerliche freye Künft/ allweg in großzē anfehen gefein/ doch fo hab
 en allzeit die Gefchichtfchreiber/ fo man zû latin Hiftoricos neñet/
 den vorzugk vnd erften platz erhalten. Vileicht vß der vrfach/ die^z
 weil der menfch von natur begyrig ift vil zû wiffen/ vnd von weg^z
 en der kürtze menfchliches lebens/ wenig durch erfarnuffz erlang^z
 en kan/ das ym die Hiftoria/ oder anzeygung vergangener ding/
 die händel vnd gefchäftf/ fo weit über vnfer gedencken feind/ offen
 bart vñ für augen ftellet. Zû gunft der Hiftorien/ hat auch gedyent/
 dieweil vil vß den anderen künften/ gelts/ oder gewyñs halben/ ge
 leernet vnd geübt feind worden/ darumb fye auch ire verfolgung/
 halfz vnd neid erlitten/ vnd die Hiftoria kein andere belonung ge^z
 fucht/ dann allein ein langwyrigen eerlichen nammen/ hatt fye alle
 zeit iren anmüt/ gunft vnd freüntlichen willen gegē menigklich für
 vnd für behalten. Dahår es dann kummet/ das nicht ein yegklicher
 leicht/ oder fchmalgeleerter vnderftandē hat Hiftorien zû fchreib^z
 en/ fonder es ift vnder den Fürften vnd großzen herren bliben. wie
 bey den Römeren geweft feind/ Pifo/ Publius Pictor/ Keyfer Au^z
 guftus/ Julius/ Antoninus/ vnnd vil vnder den Keyferen des ge^z
 fchlechts Claudiorum. vnd das ich auch ettliche vß den Kryechen
 nenne/ Herodotus/ Thucidides/ Zenophon/ vnd andere hohe leüt/
 welche die vnfterbliche eer/ fo fye vß irer arbeyt brachten/ auch ge^z
 meyner nutz zû fchreiben geurfacht hat. Dañ was will vns im Frid
 vnd kryeg von nōten fein/ des wir nit überflüßigen bericht in der
 Hiftorien finden? Die Hiftoria leeret vns/ wie durch ettlicher leüt
 vnbedachte anfchlåg/ tråffliche vnd gewaltige ftått/ zû fcheiteren
 gangen. widerumb/ wie vß kleynen vnd geringen anfängen/ durch
 gefchicklicheit vnnd weißheit der Alten/ mancher gemeyner nutz
 in die größze kummen vnd erwachßen/ das er ym felbft (als Liui^z
 us von Rom fchreibet) fchyer befchwärlich vnd überläftig wordē.
 Vß der Hiftoria hat man/ was ein fchneller Rhat in vnuerfehener
 fårlicheit/ vnd was ein großz hertz vnd gemüt bey eim fchwanck^z
 enden volck/ vnderweil thûn möge. Hye findet man anfchlåge/ ge^z
 fchwynde gryff/ fo wider den feind im feld zû brauchen feind. Der^z

*
*Fürftē ettwañ
allein Hiftori^z
enfchreiber.

* ij

*2^v

Hiftorien be-
fchreibung.

halb Marcus Tullius Cicero in dem anderen Bûch des wolredens/ nit vnbillich der Hiftorien zû gibt/ das fye fey/ ein gezeüg der zeit/ ein lyecht der warheit/ ein leben der gedächtnuffz/ ein zuchtmeifterin des lebens/ vnd ein verkündigerin verloffener gefchicht. Aber zû der Hiftorien/ will fürderlich gehören (wie Cicero in yetzt genañtem bûch meldet) das fye nichts erdyktes anzeyge/ vnd kein warheit berge. vff das kein argwan des heüch lens/ oder kein neid vnd vnwillen im fchreiben gefpürt werde. Es hatt aber nicht fein mögen/ es ift auch in ein folich theür vnd edel ding (wie dann in alle andere) auch fein betrug kummen. alfo/ das ein teyl vß halffz vnd neid gefchriben/ die iren vffmutzen/ vnnd ander leüt verkleynen/ vnd fchmâhen. Vil haben auch (in fonderheit weil fye ir narung darauß gefücht) den großzen herren geheüchlet/ vnd das yhenig/ fo ein geringe anzal der jar ergriffen/ anders in die fchrifft bracht/ dann es an ym felbft verhendlet/ oder das lyecht der warheit hett leiden mögen. Vil auch auß eim pracht vnd lyebe des zyerredens/ vnnd nit zû gezeügnuffz vergangener gefchichten gefchriben. Will deren gefchweigen/ fo von den thaten der yhenigē/ die nit irer fect/ oder glaubens geweft feind/ gefchriben haben. Will auch dißer nit gedencken/ fo in Chriftlichen Hiftorien/ auff das/ pie credendum/ das ift/ vff das mytigklich zû glauben/ hårein gefaren feind.

* Derhalb ein yeder Leßer fleiffzig acht nemen foll/ was gefchriben werde/ von welchem/ vnd wer es fchreibe. Dieweil aber kein regering auff erdtreich nye gröffzer vnd gewaltiger/ vnd mit mer en exempelen der eeren vnnd tugent/ auff gefanden ift/ dann der Rômer/ vnd vilfaltig von iren thaten/ fo Latinifch/ fo Kryechifch/ gefchriben/ auch nit eins yeden gelegenheit fein will/ die felbigen weit fchweyffende Hiftoricos zû leßen/ hab ich fye/ fo vil mir möglich gefein/ von dem anfänger des Rômifchē Reichs/ Romulo hâr/ bekürtzet/ vß den warhaftigften Rômifchen Hiftoricos/ fo wir vff dißen tag haben mögen. Darnach da lich die ânderung des Rômifchen Reichs zû getragen/ das vß einer Democratia/ das ift/ eim gemeynē ftandt/ den die Burgermeyfter gehaltē/ oder regyert haben/ ein Monarchia/ dz ift/ eins eynigē mañs herrfchafft angangen ift/ welche man dz Keyferthüb neñet/ hab ich die drey Bûcher/ des hochgeleertē mañs Baptifte Egnatij/ fo er vō dē Keyferē befchriben/ vertolmetfcht. Hab nit ein kleinē fleiffz vn grund des Egnatij/ in den felbigē bûcheren gefpürt/ in fonderheit/ da er dz hârkuñen des teüfflichē vfrûrers Maometis/ vn den vrfprung des gewaltigen tyrañen/ vn erbfeind des Chriftlichen blûts vn aller vnſchuld des Türcken vermeldet. Zû letft feind angehenckt/ die kryegßhând

Democratia.

Monarchia.

el/ Ichlachten/ eroberung der Itätt/ fo vnder dißem groffzmåchtigē
Keyfer Carolo dem Fünfften/ in Jtalia füngangē feind/ durch den

*3^r

Galeatiū Capellam im latin beschribē. Vñ ift/ die warheit zū sagē/
 die selbig Hiftoria ein vrfach gewelt/ dißer gantzē arbeyt. dan dar-
 in würt ein groffzer neid des Wellfchē kopffs/ gegen Teütſcher eer
 vñ dapfferkeit vermerckt. Vnd⁹ anderē ſo ſchreibt er/ wie der Teüt-
 ſchē oberfter zū Pauia/ ſich mit dē König von Franckreich vereyn-
 igt hab/ die ſtatt Pauia/ ſo d⁹ König dazūmal belâgert hat/ zū üb-
 ergebē/ od⁹ d³ noch ſchandlicher ift/ zū verraten. Soliche verräter-
 ey ſey vßgebrochen/ vñ damit kein anlauff vnd⁹ den knechten würd/
 ſey ym vergebē. Vnſchuldt findt alle zeit ir handthabung/ vnd die
 eer des vatterlands ſoll ein yed⁹ bidermañ/ als wol als eygene eer
 vñ gelimpff handthabē vñ ſchütze. Des Oberftē nañen würt da nit
 gemeldet/ aber es ift gefein der wolgeboren Graff Eitel Fritz von
 Zorn/ der menigklich feins befelchs halbē/ vñ funft in d⁹ belâgerung
 zū Pauia/ vñ im feld vor Pauia bekañt gefein ift. Ein teüter kryegß
 mañ/ vñ welcher vil hōhers kryegß befelchs/ wo ym Gott der herr
 ſein lebē lenger gefriftet hett/ würd gehabt habē. Dan es geben ym
 alle kryegßleüt diße gezeügknüffz/ das er alle die gaben/ ſo zū ein
 dapfferē Oberftē/ od⁹ Fūrer eins volcks gehōrē/ gehabt ſoll haben.
 Die kryegßhādel erftlich wol verftandē/ keck vnd vnuerzagt/ an-
 ſychtig bey dē kryegßvolck/ vñ glückhaftig gefein ift. will feins eer
 lichē vñ gütē hārkuñens/ feiner vilfaltigē tugent/ die ym gegē men-
 igklich nit ein kleinen gunft gemacht haben/ gefchweigen/ vñ feine
 vnſchuldt hye vnd in dißer ſprach nit weiter verfechten/ vnd dißer
 Walch müßz feine vnuerſchāmpfte lügen in feiner ſprach verfteen.
 Auch weyßz man wol/ was eeren vñ gūts die Wellfchen den Teüt
 ſchen gūñen/ vnferer tugent vnd dapfferkeit nit allein kein gezeüg-
 knüffz geben/ ſonder die ſelbige ſo vil ynen mūglich/ verſchweigen/
 nider drucken/ ja mit grober vnwarheit vnderfteen zū beflecken/
 vnd offene mißzhandlung der iren hynderhalten. wie dann hye zū
 gegen beſchicht/ mit den Spanieren/ die verräterey halben/ in der
 belâgerūg zū Pauia feind gefyerteylt wordē. Aber vns Teütſchen
 beſchicht ebē recht. Wir ſeind in kurtzē jarē in ein vngehörtē vñ vn-
 gewonlichē pracht kuñen. zū vnd⁹haltung des ſelbigen/ ſūchen wir
 frembde nationē vñ lānd⁹/ vñ nit allein d³ die vō Adel hoch vnd nyd⁹
 ig thūn/ ſond⁹ es will ſich ein yed⁹ ſchūfter vñ ſchneid⁹/ handtwercks
 vñ bauren knecht/ d⁹ kryeg neeren/ vñ ein handtwerck darauß mach
 en. vnd weñ wir lang in frembde nation zyehe vñ kryegen/ die befft
 en vß vnferem vatterlandt verlyeren/ ſo bringen wir nit den hun-
 dertften teyl des gelts wider (dieweil man ye gelts halben kryegen
 will) das wir ynen jārlich für ſeiden/ ſammat/ vntzen gold/ tūch/ vñ
 ander vnnütz ding ins Wellfch land ſchicken. vnd zū dem groffzen

*
**
*Graff Eitel-
fritz von ZornGaben eins
Oberften.Der Teütſchē
verluft.

ſchaden den wir an zeitlicher narung derhalo erleiden/ iſt auch zu
beforgen/ das wir mit der zeit auch ein ftuck von vnſerer dapffer

* iij

*3^v

Olim fortes
Milefij.

keit verlyeren werden. Dann leibs luft/ vnd pracht/ bringt kein eer-
eneuft vnd dapffer hertz. des wir in den alten Hiftorien vil anzeyg-
ung haben. Seind nit die Spartaner theür vnd weydliche leüt ge-
lein/ als leüt in der welt geweft feind? aber fo bald fye fich des pra-
chts annamen/ vnd leibs luft pflegten/ ift alle ir tugent vnd dapff-
erkeit zû bodē gangen. Wie hochberûmpt feind die Milefij gefein/
aber durch wolluft vnd præchtig lebē da hyn kuñen/ das ein fprich-
wort von ynem gemacht ward/ Ettwañ waren die Milefij dapffer
männer. Es weren wol newere exempel vor handē/ fo fye on halffz
môchten erzelt werden. Etwañ hat man fridens halben gekryeg-
et/ auff das ein bydermann im frid/ lich/ weib vnnd kind erneeren
môcht. yetzt findt man leüt/ die heyfchen/ od^o bettlen/ fagen/ ir handt
werck fey leüt zû todt fchlagen. ein anderer fpricht/ er mußz ein her-
ren haben/ vnd ob es gleich der teüfel wer. Wo hyn ift die frechheit
der loßen leüt gewachßen? Oder wie lang môgen Fürften vnd her-
ren foliche vntugent geduldē? Die welt würt in der eynigkeit nym-
mer mer fein/ dz fye nit fpännig/ oder yrrig gegen einander ftande/
muffzt man aber derhalb leüt auffzyehen/ die nichts anders dann
fchwören/ fauffen/ freffen/ frawen vnd jungkfrawen fchendeten/ al-
le vnzucht vnd vngehorfam/ in die vnderthanen brächten? als ob
ein Bydermann/ wo es die not vnnd rettung des vatterlandts er-
hyefch/ nit dapffer vnd eerlich handeln künth. Darumb nit wenig
zû verwunderen/ in was torheit die älteren gefallen/ fo ire jungen
fün in die fchul fchicken/ da anders nichts practiciert vnnd geleer-
net würt/ dañ dem armen mañ befchwärlich fein/ gegē dem freünd
als ob er feind were/ zû handeln/ witwen vnd weyfen machen/ vnd
darnach in aller üppigkeit vnnd fchnöde alfo leben/ als ob weder
Gott/ noch Oberkeit were/ ja fo fchandlich/ das es die heydnifche
erbarkeit nit hett môgen dulden. will der Chriflichen vnſchuld ge-
fchweigen/ vn von denen Landtsbûben geredt haben/ fo auff dem
gemeynen armen landtmañ ligen/ lich gemeyner übel vnd fchâden
* frewen/ vnd ir narung darauß fûchen. Ein frummer auffrechtiger
* Kryegßmañ ift ein theür mann/ vnd aller eeren werdt. Auch ift für
letzlich mein gemût nit gefein/ vil von kryegßleüten hye zû redē. dañ
es wol eins fonderlichen bûchs bedôrfft. Dieweil fichs aber in diß-
em Argument alfo zû getragen/ hab ichs mit wenig worten ver-
meldet/ will Fürften vnd herren/ das ynfehen in den fchnöden hand-
el heym gefellt haben/ vnd bey dem lob vnd nutz der Hiftoriē bleib-
en. in fonderheit/ dieweil fye vns bericht gibt/ das felten ein Reich
auff erdtreich gefein ift/ das nit mit blût vergyeffzen erlangt. Vnd
fo man lang darumb gefochten/ einer den anderen veryagt hatt/

vnd vertriben ift worden/ fo ift doch all zeit der größzte teyl des
vnfals über den vnſchuldigen hynauß gangen/ als über den baurē/

*4^r

der größtē teyl des vnfalls über den vnschuldigen hynauß gangen/ als über den bauren/ alte leüt/ witwen vnd weyfen/ vnd armen jungfrawen. So aber yergent ein gewyñ bey dem kryegen geweyßent/ so ist er wenigen/ vnnützen/ vnd feeloßen leüten zū teyl worden. Derhalb ein yegkliche Oberkeit in keinem ding foll vorbeträchtlicher vnd langfamer sein/ dann im kryeg an zū fahen. da kein verhōnet spyl will leichtlich widerumb ynzubringen sein/ vnd kummet kryeg vñ kryeg/ vnd muß alle erbarkeit weichen/ vnd fahen alle laster vnd übel an iren gang zū haben. Man sprichte/ Die erfarnüß sey ein meyfterin aller ding/ aber wol dem/ welcher diß fals/ durch anderer leüt erfarnüß gewitziget ist. Des alles würt man nit ein kleinen bericht in gegenwertiger Hiftorien finden/ die ich den yhenigen so der Latinischen sprach nit bericht/ vnder dem nammen ewerer Gnaden ins Teütch bracht hab. Eweren Gnaden in alle weg zū dyenen/ will ich allezeit willig vnd bereyt befunden werden.

*
*
*
*
*

ee4^v

Joannis Baptifte Egnatij von Venedig/ in das Erft Bûch/ von den Rômifchen Keyferen Vorred.

Wir haben das leben der Keyfer/ von dem Oberften zû Rom/ fo Julius Cefar genannt/ vnd der erft gefein ift/ der die freyheit des vatterlands nidergetruet hatt/ bitz vff den Conftantinum Paleologum/ vnder welchem Conftantinopel in die dyenftbarkeit des Türcken kummen ift/ vnd hye im Rômifchen Reich bitz vff den Carolum mit dem hoffer/ ein König zû Franckreich/ vnd den Keyfer Maximilian/ vff das kürtzelt befchreiben/ ein arbeyt fo mich faue vnd ſchwâr ankummen/ aber wie ich verhoff/ den yhenigen die es leßen werden/ luftig vnd loblich/ vnd darzû nit vnnützig. Dañ über das/ fo du vil hyerinn finden würdest/ vß dem du dir/ vnd deinem vatterland vil nutz ſchaffen magt/ fo würt dir die Maieftät des Rômifchen Reichs/ wunderliche vßgeng/ der yhenigen fo regyert haben/ fo vil fäll der Königreich/ fo vil veränderung von den Fürften angezeyget/ nit allein den vnluft vertreiben des leßens/ das mit follicher großzer arbeyt zûammen gebracht/ fonder dich auch in verwunderung ftellen/ ja zû eim teyl dich auch mit gewalt zyeihen/ als ich dann meyn/ das keiner ley/ der nur ein wenig beleßen/ diße ding nit auch gern erfar/ vnd mit großzem luft leßen werd. Zû dem auch/ das diffzig ding new ift/ fo haben wir mit fleiß nu wenig an gehencket/ das nit allein keinen mißftandt/ fonder auch ein zyer gegenwertiger Hiftorien bringet/ gleich wie in den Comedien ſpylen das vnderpfeiffen thût. Es ift auch kein feld lyeblicher an zûfehen/ dañ welchs die blûmen vilerley farben zyeren. In allen dingen lyebt man das abwechßlen. vnd die red/ oder das alt ſprichwort ift nit recht/ Der zucker macht alle ſpeiß gefchmackter. So aber yemanis wer/ der ein lengere vnd größzere Hiftoria von mir haben wolt/ der felbig verneyne mir allein das nit/ das vil ding feind/ welche ir eygene kürtze rhümet. Yedoch fo feind auch ettliche Keyfer da/ von denen ich weitläuffig geredet hab. dann ir langwyrig Regiment/ vnd die größze der hândel bedacht mich/ wolt follichs erfordern. Diffzig will ich mich aber vor menigklich bezeüget haben/ das ich nichts weder vß gunft/ oder neid bye gefchriben/ fonder allein die bloßze warheit/ die nit alle zeit bloßzig fein will/ als vil bitzhâr gefchehen/ angefehē hab. In fonderheit hab ich der jar irer regyering/ irer geburt/ vatterland/ vnd namhaftiger thaten/ da heym/ vnnd in der frembde/ nit vergelßen. Die Keyfer aber/ nach irer ordenung fo trewlich gefetzet/ das nyemants ychts weiters begeren darff. Dann der Flaius Blondus/ hat in denen Bûcheren/ die er von dem fall des Rômifchen Reichs gefchriben/ vil in einem hauffen/ als die yhenigen/ fo ym vnbekannt geweßen/ hauffzen gelaffzen/ vnd die anderen/ fo nach ym die gefchicht der gantzen welt befchriben/ haben nichts zû des gütten mañ Blondi fleiß hârzû gelegt. Ich aber/ über das/ fo ich die Kryechifche Hiftoriam des Zonare/ Nicete Choniate/ auch angehenckte ſchrifft des Chriftoduli/ vnd die Bûcher Gemifti wol durchleßen/ hab ich auch nit für vnbillich geacht/ das ich entlicht vngeordnete/ vnd noch nit zûfammen gebrachte ſchrifft/ er lûcht. vff das ich das an gefangen werck/ durch die hylff Gottes vollendet/ vnd den nachkümmlingen alle ding wol vß erforscht vnd erfahren/ in die hend geb. Ob ich ab-

Art dißes
Bûchs.

Waruffzig diffzig
Bûch genummen.

er folichs
erlangt hab/ würt diffz alter vntrewlicher/ aber
das folgend/ einfeltiger vnnd
mit groffzer frumb-
keit vrteylē.

K3^v

¶ Befchluß.

Wer weiter haben will bericht

Des theüren Keyfers Carle gſchicht/

So in Wellſch land füngangen findt/

Als bald ers im Capella findt/

Newlich verteütſcht nach rechter art.

Wend vmb/ dein wartet er zûr fart.

Pauey/ Rom/ Meylandt/ vnd vil Stett/

Was Kryegen fey/ gelernet hett

Diß Keyfers Fürftlich dapfferkeit/

Vermiſcht mit fonder myltigkeit.

Welchs wol befunden der Frantzöß.

Babft Clemens ward bald geben loß.

Italien frid zû letft behagt/

Der Türck heymgfücht/ vnd wer veryagt

In kurtzer zeit/ wo nit vnfal

Sich ſchlüg darzwiſchen überal.

Solchs ſetzt Gott heym der Keyfer frumm/

Der kan die ſach wol wenden vmb.

Teütſch land hab deiner mannheyt acht/

Das dich verfür nit frembder pracht.

o3^v

¶ Befchluß der Acht Bücher
Galcatij Capelle.

Galeatius Capella beschleüßzt sein Hiftoria mit der restitution
oder ynfetzung des Hertzogen Francisci Sfortie in Meylandt/ ge
denckt nit weiter der belâgerung vor Florentz/ die er ein wenig an
zeücht/ in der abredung zwifchen Keyferlicher Maieftat vñ Bâbft
licher heyligkeit zû Bononia. Diewe il aber die genannte belâger
ung langwyrig/ mit kâmpffen/ vnd fcharmützlen/ die fich wol klein
en Schlachten vergleichen möchten/ nammhaftig ift/ haben wir
durch gütte freünd in Italam gefchriben/ ob fye in ein gewiffze
vnd fichere fchriffte begriffen/ das fye vns zû geftellet würde.
als dann foltu freüntlicher Lefer/ der felbigen auch nit
beraubt fein. Dañ allein vß dem gerucht zû
fchreiben/ ift truglich/ vnd gehört
meer zû Sagmâren/
dann zû einer
Hiftoria.

¶ Mit Keyßerlicher Mateftât
freyheit vff fünff jar.

Zû Straßburg bey Hans
Schotten am. v. Mar
tij. Anno Chrifti.
M. d. xxxvj.